

歷代帝王宅京記卷十五

崑山顧炎武著

吳縣朱記榮校刊

晉陽

北齊

北齊書神武帝本紀曰魏武定三年春正月於并州置晉陽宮

後主本紀曰天統三年冬十一月晉陽大明殿成

帝於晉陽起十二院壯麗逾於鄴下鑿晉陽四山爲大佛像一夜燃油萬盆光照宮內

馮子琮傳曰世祖在晉陽旣居舊殿少帝未有別所詔子琮監造大明宮宮成世祖親自巡幸怪其不甚宏麗

歷代帝王宅京記卷十五

一

朱氏槐廬校刊

子琮對曰至尊幼年纂成大業欲令敦行節儉以示萬邦兼此北連天闕不宜過復崇峻世祖稱善

後周

周書武帝本紀曰建德六年夏五月戊戌詔曰京師宮殿已從撤毀并鄴二所奢華過度誠復作之非我豈容因而弗革諸堂殿壯麗並宜除蕩薨宇諸物分賜窮民三農之隙別漸營構止蔽風雨務在卑狹冬十二月戊辰廢并州宮及六府

隋

隋書煬帝本紀曰大業三年秋八月壬寅詔營晉陽宮地理志曰太原縣有晉陽宮

唐

唐書元宗本紀曰開元五年冬十一月詔曰經邦創制  
建國設險必因時順天統物立極我國家以神武聖德  
應天受命龍躍晉水鳳翔太原建萬代之模爲億兆之  
主猶成湯之居亳有周之興岐朕以眇身纂承昌運守  
祖宗之大寶恢中興之洪業叶時卜狩始經此都事本  
因心情兼惟舊昔堯理唐郊式建丹陵之地漢居雒邑  
更表南陽之都今王業所興宮觀猶在列於編郡情所  
未安非所以恢大聖之鴻規展孝思之誠敬其并州宜  
置北都改州爲太原府刺史爲尹司馬爲少尹太原晉  
陽爲赤縣諸縣爲畿縣秩視京洛兩府

歷代帝王宅京記卷十五

二

朱氏槐廬校刊

馬燧傳曰燧引軍置太原燧以晉陽王業所起度都城  
東面平易受敵乃引晉水架汾而注城之東瀦以爲池  
計寇至省守陴者萬人又決汾水環城多爲池沼樹柳  
以固隄

太原

文宣帝紀曰天保二年冬十月戊申起宣光建始嘉福  
仁壽諸殿

唐書地理志曰北都天授元年置會要長壽元年九月  
七日置改并州爲太原神龍元年罷二月四日開元十三年

復置正月二十日天寶元年曰北京正月二十日上元二年罷九月

二十日肅宗元年去年號其年四月改元寶應復爲北都

晉陽宮在都之西北宮城周二千五百二十步崇四丈八尺都城在汾右晉潛邱在中長四千三百二十一步廣三千一百二十二步周萬五千一百五十三步其崇四丈汾東曰東城貞觀十一年長史李勣築兩城之間有中城武后時築以合東城宮南有大明城故宮城也宮城東有起義堂倉城中有受瑞壇唐初高祖使子元吉留守獲瑞石曰李淵萬吉築壇祀以少牢

太原府太元郡本并州開元十一年爲府

晉陽縣有號令堂高祖誓義師於此西北十五里有講武臺飛閣顯慶五年築

舊唐書崔神慶傳曰則天時擢拜并州長史先是并州

歷代帝王宅京記卷十五

三

朱氏槐廬校刊

有東西二城隔汾水神慶始築城相接每歲省防禦兵數千人邊州甚以爲便

五代史職方考曰并州後唐州建北都其軍仍曰河東册府元龜曰後唐莊宗同光元年夏四月以太原爲西京

冬十一月改太原爲北都

晉高祖天福二年冬十一月以北東潛龍宅爲興義宮  
大名

五代史職方考曰魏州唐故曰大名府置天雄軍五代皆因之後唐建鄴都晉漢因之至周罷大名府後唐曰興唐晉曰廣晉漢周復曰大名

冊府元龜曰後唐莊宗同光元年夏四月卽位於魏州是月升魏州爲東京改元城縣曰興唐貴鄉縣曰廣晉都督府曰興唐府  
三年春三月詔改東京爲鄴都興唐府與北京太原府竝爲次府

晉高祖天福元年冬十二月改興唐府爲廣晉府

六年秋八月壬子改鄴都皇城南門應天門爲乾明門大明館爲都驛亭

七年夏四月乙丑敕改鄴都羅城及大城諸門羅城南塼門爲廣運門觀音門爲金明門橙槽門爲清景門冠氏門爲永芳門朝城門爲景風門大城南門爲昭明門

歷代帝王宅京記卷十五

四

朱氏槐廬校刊

觀德門爲廣義門北河門爲靖安門魏縣門爲膺福門尉氏門爲迎春門朝城門爲興仁門上斗門爲延清門下斗門爲通遠門

出帝開運二年夏四月己丑復以鄴都爲天雄軍

漢高祖乾祐元年春三月改廣晉爲大名府

後周高祖顯德元年春正月戊寅廢鄴都仍爲天雄軍  
宋史地理志曰慶厯二年建大名府爲北京宮城周三里一百九十八步卽眞宗駐蹕行宮城南三門中曰順豫東曰省風西曰展義東一門曰東安西一門曰西安順豫門內東西各一門曰左右保成次北班瑞殿之前東西門二東曰凝祥西曰麗澤殿東西時巡殿門次北

時巡殿次言方殿次慶甯殿時巡殿前東西門二東曰景清西曰景和京城周四十八里二百六步門一十七熙甯九年改正南南河門曰景風塼曰亨嘉鼓角曰阜昌正北北河門曰安平北塼曰輝德正東冠氏門曰華景冠氏第二重曰春祺子城東曰泰康正西魏縣門曰寶成魏縣第二重曰利和子城西曰宣澤東南朝城門曰安流朝城第二重曰選齊西南觀音門曰安正觀音第二重曰靜方上水關曰善利下水關曰永濟內城創置北門曰靖武元豐七年廢善利永濟關

王應麟曰慶厯二年五月戊午升大名府爲北京詔曰席萬盈之懿兆冠千里之上腴隱然北門壯我中夏

歷代帝王宅京記卷十五

五

朱氏槐廬校刊

輿地廣記言左傳晉陽畢萬魏卜偃曰魏大名也其地於今魏河中之永樂非元城之魏也漢以大名名此失矣今按舊唐書曰悅稱魏王以魏州爲大名府其失始此

光緒歲在著雍困敦春月吳縣朱記榮槐廬家塾校刊  
歷代帝王宅京記卷十五終